

Zum andern/ giebstu die Antwort/ das die Bergwercke/
auch mit guter Ordnung vnnnd Freyheit erhalten/ vnd dadurch
die Leute zu foderung vnd Baw desselbigen erregt werden müs-
sen. Nun haben die löblichen Fürsten zu Sachsen/ ihrer
Chur vnnnd F. G. Bergwercke / G. D. hab lob/ mit guten
Ordnungen vnd Regimenten bisher dermass versehen / das
die Gewercken nicht ursach gehabt zu klagen.

Was hilffts aber das man gute Ordnung hat/ wenn
man den Gewercken ihr Silber/ das sie mit schwerer vnkost aus
dem Berge erarbeiten/ nicht so güldig als bisher geschehen/ bez-
zahlen/ sondern ihme geringere Münze davor geben wil. Als
so das sie nach dem werth der Münze / an jeglicher feinen
Marck mehr den einen Gilden voriteren/ vnnnd das Silber
dasfeiler geben müssen/ denn vorhin/ vnd werden doch die Bez-
bewde schwerer/ vnd mit mehren Kosten/ denn vormals erhal-
ten. Du meldest das vor drey vnnnd zwanzig Jahren / die
Fürsten ein Marck Silbers/ von den Gewercken zweyer Gils-
den / ohn zwene Schilling tewrer angenommen vnd bisher als
so erkauft haben/ denn vorhin/ den abgang trugen sie in ihre
Kammer/ vnnnd gemeines nutzen willen der Gewercken. etc. Du
schweigest aber / was die Ursach gewesen/ denn als die Fürsten
erslich die hohe Münze/ die Spitzgröschlein/ ein vñ zwanzig
auff einen Gilden schlugen / kauften sie den Gewercken / die
Marck feines Silbers/ abe vor sechs alte Schock/ das seind
fünff Gilden vnd Sechzehen Silbern Groschen/ vnnnd dar-
nach als ihre F. G. die Münze geringer machten / vnnnd die
Silber oder Zinsgroschen schlagen lieffen/ welcher jeder dreyer
Pfennig an Korne geringer denn die Spitzgröschlein/ Sazte
ihre F. G. nach zwey alte Schock / auff die feine Marck Sil-
bers/ auff dz die Gewercken an gehalten/ der Münz gleich so viel

E. iij,

beques.